



## **TOSHKENT DAVLAT YURIDIK UNIVERSITETI REKTORINING B U Y R U G ' I**

03.01.2024

2-um-son

### **Toshkent davlat yuridik universitetiga qo'shimcha shtat birliklari ajratish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son qarori 1-bandi "b" kichik bandiga muvofiq va O'zbekiston Respublikasi adliya vazirining 2020-yil 22-iyuldagi "Toshkent davlat yuridik universitetining ustavini tasdiqlash to'g'risida"gi 126-um-son hamda 2021-yil 5-maydagi "Toshkent davlat yuridik universiteti boshqaruv, texnik, xizmat ko'rsatuvchi va o'quv-yordamchi xodimlarning namunaviy shtatlarini yangi tahrirda tasdiqlash to'g'risida"gi 155-um-son buyruqlariga asosan, shuningdek, O'quv-uslubiy boshqarmasi (Registrator ofisi) boshlig'i S.Bozarov, O'quv-uslubiy boshqarmasi (Registrator ofisi) Elektron universitet bo'limi boshlig'i A.Karimov va Axborot-resurs markazi direktori X.Pirmedovalarning bildirgilariga muvofiq

### **B U Y U R A M A N:**

1. O'zbekiston Respublikasi Prezidentining 2021-yil 24-dekabrda PQ-60-son qarori 1-bandi, "b" kichik bandi uchinchi xatboshisiga muvofiq, 2022/2023 o'quv yilidan boshlab moliyaviy mustaqillik berilgan davlat oliy ta'lim muassasalariga oliy ta'lim muassasalari uchun belgilangan normativlardan qat'i nazar muassasaning tuzilmasini tasdiqlash va shtat birliklari sonini belgilash vakolati berilganligi inobatga olinsin.

2. 2024-yil 3-yanvardan boshlab Universitetning budjetdan tashqari mablag'lari hisobidan moliyalashtiriladigan:

1 shtat birligida Xalqaro standartlar va akkreditatsiya bo'yicha rektor maslahatchisi lavozimi;

barcha kafedralar tarkibida (Jismoniy tarbiya va sport kafedrasi bundan mustasno) kafedra mudiri o'rinbosari lavozimi;

mutaxassislik bo'yicha kafedralarda jami 17 shtat birliklari, ya'ni har bir kafedra uchun 0,5 shtat birligida o'qituvchi-yordamchi (o'quv ishlari bo'yicha

assistant) va 0,5 shtat birligida o'qituvchi-yordamchi (tadqiqot ishlari bo'yicha assistent) lavozimlari joriy etilsin.

3. 2024-yil 3-yanvardan boshlab universitetning:

O'quv-uslubiy boshqarmasi (Registrator ofisi)ning Elektron universitet bo'limiga qo'shimcha 1 shtat birligida muhandis – dasturchi va 1 shtat birligida tizim administratori lavozimi;

Axborot - resurs markazi Axborot-kutubxona resurslari bilan xizmat ko'rsatish bo'limi (abonementlarga xizmat ko'rsatish, o'quv zallari va kitob saqlashni inobatga olgan holda)ga qo'shimcha 4 shtat birliklarida kutubxonachi (toifasiz, 1-toifa, 2-toifa) lavozimlari qo'shib berilsin.

4. Kadrlar bo'limi (S.Mamanazarov) kafedra mudiri o'rinbosari lavozimi har bir kafedradagi mavjud bir o'qituvchi lavozimi hisobidan joriy etilayotganligini inobatga olgan holda bo'sh o'qituvchi lavozimi bo'lmagan kafedralarda bir lavozimdan boshqa lavozimga o'tkazish choralarini ko'rsin.

5. Moliya-iqtisod bo'limi (A.Raximov) universitetning boshqaruv, texnik, xizmat ko'rsatuvchi va o'quv-yordamchi xodimlari hamda professor-o'qituvchilar tarkibi bo'yicha shtat jadvalini mazkur buyruqdan kelib chiqqan holda qaytadan ishlab chiqib, 2024-yil 3-yanvardan joriy etilishini ta'minlasin.

6. Mazkur buyruqning bajarilishini nazorat qilishni o'z zimnamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Bo‘lim boshlig‘i

A.RAXIMOV



## **Kelishildi:**

Moliya-iqtisod ishlar bo‘yicha  
prorektor

A.IMINOV



Boshqarma boshlig‘i

S.BOZAROV



Bo‘lim boshlig‘i

S.MAMANAZAROV



Boshqarma boshlig‘i

A.XUNDIBAYEV



Bosh buxgalter

M.PARPIYEV



Direktor

X.PIRMEDOVA



Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Katta yuriskonsult

A.TURSUNOV

